

19 AUG 1996

AGONG MENGHANTAR PERUTUSAN KEPADA PRESIDEN HUNGARY

KUALA LUMPUR, 19 Ogos (Bernama) -- Yang di-Pertuan Agong Tuanku Ja'afar hari ini menghantar perutusan tahniah kepada Presiden Hungary Dr Arpad Goncz sempena hari kebangsaan negara itu esok.

"Kita yakin yang persahabatan dan kerjasama yang sedia ada antara kedua-dua negara akan terus dipertingkatkan pada masa depan," kata beliau dalam satu kenyataan yang dikeluarkan oleh Wisma Putra di sini, hari ini.

Perdana Menteri Datuk Seri Dr Mahathir Mohamad juga menghantar perutusan lebih kurang sama kepada rakan sejawatannya Gyula Horn.

Dr Mahathir berharap hubungan mesra antara Malaysia dan Hungary akan terus dipertingkatkan demi manfaat kedua-dua negara.

Menteri Luar Datuk Abdullah Ahmad Badawi juga menghantar perutusan lebih kurang sama kepada rakan sejawatannya di Hungary, Laszlo Kovacs.

Abdullah menyatakan keyakinannya yang hubungan erat antara kedua-dua negara akan dipertingkatkan. -- BERNAMA

RAM PR